

復鑑

謹攝香官使者左右龍虎君侍香諸靈官當
令臣向來臨午行道之所自然生金液丹碧
芝英百靈眾真交會在此香火爐前當願十
方仙童玉女接侍蘭煙傳臣向來所啟之誠
速達徑御

至真無極大道

昊天玉皇上帝御前

出堂頌 出戶

道門科範大全集卷之八十二

道門科範大全集卷之八十三

東嶽濟度拜章大醮儀

晚朝行道

法事陞壇如式

各禮師存念如法

宣衛靈呪

五星高耀 瑞氣飛浮 元始集神 天地交周
玉符寶節 嘯命微幽 擲火揚威 奸凶無留
萬魔振伏 紛葩却消 摧恠滅惡 道炁周流
神光照夜 陰翳俱收 萬神降格 扇景乘颺
羣生咸遂 惠徧神州 與道合真

鳴法鼓二十四通

發鑑

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓開啓玄壇土地方域神真臣今
靜夜行道謹奏為宣意其諸情悃已錄告聞
願得太上十方至真道炁靈寶瑞光下降流

入臣身中今臣所啟速達徑御

太上無極大道

昊天金闕玉皇上帝御前

請稱法位

具位臣某等謹虔誠上啓

虛無自然金闕七寶上帝東宮教主太乙敝
若天尊傳經演教歷代師真東嶽泰山天齋
仁聖帝淑明皇后太子貴妃殿上炳靈公西
齋靈王嶽下文武考校一切曹僚三界應感
一切真靈威望洪慈俯昭丹懇臣聞封取金
泥告代尚存於王者文傳玉冊定壽寔統於
人倫上連空洞之天既稱仙境下制死生之
命籍備陰官願惟近逝之亡魂必有未消之
黑簿罪雖未取當議罪於輕重淺深志苟深
懲必許容於悲哀懺悔咸與維新之路俾知
更始之期矧度生度命之天尊皆本東居而
闡化在唱恭唱諾之司馬亦因東向以誦章
審知嶽帝之仁不拒凡夫之請醮官某等悼
隙駒之易逝便隔幽明懼氣馬之不良當趁
險路生前造罪曾違先覺之心改後惟殃遂

受無量之苦墮地獄而必懷痛悔在人世而當與追修庶能格帝之心或有回天之怨業根罪網霧捲水消善果福田雲行雨施三元有質復闢太一之執符八景具神又得帝君之品命令則嚴更報漏初傳甲夜之壽皎月當天正靡層空之景宜伸控告用致齋誠靜夜詞誠謹當宣奏

宣詞

按如詞言深切哀憫臣聞非元始符命不足以伸遷拔之階非玉帝唱名不足以造登仙之境須憑至道用濟亡魂以無為而華有為之非以無形而去有形之累准沖科而啓續冀仙馭以齊臨更撫哀痛之情仰望矜憐之造以今落景行道請法眾等運茲初檢上香願此香煙騰空徑上供奉

玉清聖境元始天尊十方道寶臣等皈身皈神皈命以是功德歸流醮官某家合門眷聚舉室尊卑過往蒙休早起登於仙路見存獲慶各終享於青年皓首眉眉表柱無慙於遠鶴齡背倪齒支林必取於靈龜黃籙書削死

之文青華注增年之籍驗天錫難老之瑞茂日具大耋之嗟今故燒香自皈依道尊大聖眾至真之德得道之後昇入無形和與道合真

臣聞侍仙玉即生神首關於囊錦長生大聖度人先起於東方以今夕景行道請法眾等運茲二檢上香願此香煙騰空徑上供奉

上清真境靈寶天尊無上經寶臣等皈身皈神皈命以是功德歸流醮官某家二門先祖七世高曾伏願並乘金簡之文速達玉京之路超躐三界得保舉於魔王升名九宮遂朝謁於大帝赴龍門之受會獲鳥母之督仙無復冢訟之纏綿茂有子孫之殃注今故燒香自皈依

經尊大聖眾至真之德得道之後昇入無形和與道合真

臣聞九鍊更生道寶崇於濟死十方無極功莫大於度人以今夕景行道請法眾等運茲三檢上香願此香煙騰空徑上供奉大清仙境降生天尊十方師寶臣等皈身皈

神皈命以是功德歸流夢薦五姓男女孤魂四生異類枯骸朽骨未離幽滯之鄉戴角披毛不免鞭策之苦冥漠魍魎蝮蛇蝮蛇喪精英而全迷抱血氣而無識或不充於口腹隕落溝渠或橫被於干戈膏濡草澤崖巖谷墜

水溺火焚喪身困疴之中絕命道途之側皆罹冤枉之酷未逢薦度之緣出沒三途輪迴六趣伏願並乘道力悉賴真慈頓捨前日之愚迷不為陷墜得遇今宵之接引咸速超昇脫身魑魅之中脫迹塵沙之地盡復生於人類咸得聽於法音今故燒香自皈依

師尊大聖眾至真之德得道之後昇入無形和與道合真

懺方 三啓 三禮

具位臣某等謹重誠上啓
虛無自然金闕七寶上帝東宮教主太乙救苦天尊傳經縮教歷代師真東嶽泰山天齊仁聖帝淑明皇后太子貴妃殿上炳靈公西齊靈王嶽下文武考校一切曹僚三界應感一切真仙咸望洪慈俯昭丹聽臣聞管輅終

年自許登山而治鬼處厚食祿亦為司命之
 策名蓋三十六空洞之天真靈必會況七十
 二封禪之主禮制尤崇既兼統於幽冥寔專
 司於禍福雖書注於生籍必先制於亡魂考
 過計功厥有正邪之異升名落簡豈無遲速
 之殊苟非滌慮以洗心詎可贖愆而補過醮
 官某家與哀痛首隕淚傷心畫像空存豈見
 丁寧之語真鶴雖舉尤深慘切之情歡娛頓
 阻於閨門拘錄方歸於嶽府無文不度武修
 可度之緣無文不生願結資生之果欲請囑
 於詎士難效前人求會過於少年豈復同學
 惟誦香林之妙法且傳碧落之空歌建立淨
 壇燈燄煌而破暗致恭靈寶香履郁以騰空
 庶殫悃悃之誠逕達崑崙之嶺伏願霖冰霜
 於夜府沛雨露於幽扃五鍊陶鎔俾得隨於
 生化萬罪蕩釋仍復親於光明死者有知得
 諧頓悟生者懷感愈切飯依溥及含情均蒙
 濟度上明天尊大慈之澤下副臣等飯命之
 誠謹啓以聞

十二願

復鑪

謹攝香官使者左右龍虎君侍香諸靈官當
 今臣向來靜夜行道之所自然生金液丹碧
 芝英百靈眾真交會在此香火鑪前當願十
 方仙童玉女接待蘭煙傳臣向來所啓之誠

速達徑御

至真無極大道

昊天玉皇上帝御前

出堂頌

出戶

道門科範大全集卷之八十三

道門科範大全集卷之八十四

廣成先生杜光庭制

東嶽濟度拜章大醮儀

散壇行道

法事陞壇如常

各禮師存念如法

宣衛靈呪

五星列照 煥明五方 水星却災 木德致昌

榮感消禍 太白辟兵 鎮星四據 家國利亨

名刊玉簡 字錄帝房 乘蹕散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 與道合真

鳴法鼓二十四通

發鑪

無上三天玄元始三炁太上道君太上老君

召出臣身中三五功曹左右官使者左右捧

香驛龍騎吏侍香金童傳言散花玉女五帝

直符直日香官合三十六人出出者嚴裝顯

服冠帶垂纓關啓玄壇土地方域神真臣今

靜夜行道謹奏為宣其諸情悃已錄告聞